

ցին: Թալանուած է բոլոր գիւղը, եկեղեցին, սպանուած ցաքա-
տով և ապա զնդակով 90 տարեկան քահանան: Պողնաւարում
սպանուած են 10 հայ, Թալանուած է գիւղի կէսը, այրուած են
10 տուն (բոլոր գիւղը 80 տուն հայ է, 20 տուն թուրք), այր-
ուած են թուրքերի բոլոր տները, սպանուած և վիրաւորուած են
շրջակայ թուրքերից 100-ից աւելի: Ձէյվա 25 տուն է, սպա-
նուած 3 հայ, տները աւերուած, իրերը հարեան թուրքերի մօտ
պահ են տրուած: Ձէյվու 100 տունը թուրք է (այս Մղաւուղի Ձէյ-
վան է): Ալիդուլի 100 տնից աւելի է, սպանուած 10 հայ, այրուած
20 տուն. Թալանուած գիւղի կէսը. թուրքերից սպանուած վի-
րաւոր 100-ից աւելի, մեծ մասամբ կազակներէից:

Հարար 135 տուն է, Թալանուած հարեան գիւղերից:
Հրամայուեց խիստ կերպով՝ ա) առանց դատի՝ իրերը և անա-
տունները յետ առնել. բ) էկզեկուցիա նշանակել մասնակցող
բոլոր թուրք գիւղերում. գ) զինուորական դատի ենթարկել
մեղաւորներին. դ) բռնել գլխաւորներին, բանտարկել մինչև
քննութիւնը (արդէն բռնուած են մօտ 60 հոգի). ե) հայ գիւ-
ղերից բերել թուրքերի գիւղը, որ հայկական գծին միանայ և
նրանց տեղը թուրքեր բնակեցնել. զ) Մինքեանդի թուրքերին
դուրս անել գիւղից և ցրել: Սեպտեմբերի 18-ն է, և առայժմ
հանգիստ է. անհատական սպանութիւններ լինում են:

Տեսնենք խիստ հրամայուածները ինչքան արագ կը կատա-
րուին: Ղափանում առ այժմ հանգիստ է: Պրինց Նապոլէօնը այ-
ցիւնից վնասուած Մինքեանդ, Պողնաւար, Ալիդուլի գիւղերը,
եղաւ նոյնպէս և Տաթևու վանքում: Հարարեցիք օգոստոսի 26-
ից մինչև այսօր թուրքերի մօտ են, ձեռք են առնուած միջոց-
ներ յետ բնակեցնելու, մինչև գիւղերի համախմբումը ըստ ազ-
գութեան:

Ներսէս վարդապետ.

Տաթև, Սեպտ. 18.

III

Նախնականի եւ Շարուր—Դարալագեագի սիանգա-
մայն աւերուած և կողոպտուած գիւղերի թիւն է 26:
Այդ գիւղերն են. 1) Թաղաքեանդ 40 տուն, 2) Հաջի-
վար 57 տ. 3) Իւխարի ուզուն-օրա 73 տ., 4) Դի-
տավար 43 տ. 5) Նազարաբադ 84 տ. 6) Ջահրի 200 տ.,
7) Մամարզա Դիզա 48 տ., 8) Պալիազ 83 տ., 9) Ալագեօդ-
Մադրա 68 տ., 10) Նորս 136 տ., 11) Ղարաբաբա 34 տ., 12)
Արինջ 59 տ., 13) Գժաձոր 83 տ., 14) Նորս-Մադրա 53 տ.,

15) Գեաղջարաջուր 55 տ., 16) Նորաշէն 164 տ., 17) Սուլթան-բէկ 89 տ., 18) Սես 51 տ., 19) Ալահի 46 տ., 20) Վարձադեար 170 տ., 21) Ալահլու 120 տ., 22) Քէշտադ 71 տ., 23) Դաշարիս 32 տ., 24) Թաղազիւղ 33 տ., 25) Ուլիանորաշէն 220 տ., 26) Ելփի 88 տուն: Ընդամենը 2200 տուն: Տեղական հանդամանքներին քաջ ծանօթ պ. Ա.-Դօն հաշուում է որ այդ թըշուառացած ընտանիքներին իսկոյն օգնելու համար անհրաժեշտ է 650,000 բուրլի: Երևանի գեներալ-նահանգապետ արքայազն Նապոլէօն, գիւղատնտես Սահակեանի գեկուցման վրայ հիմնուելով, խոստացել է գանձարանից բաց թողնել 34,000 ռ., ի հաշիւ Նախճաւանի և Շարուրի թուրք ժողովուրդի շտեմարանական դրամագլխի:

ԺՈՂՈՎՐԴԱՅԻՆ ՍԿԶԲՆԱԿԱՆ ՈՒՍՈՒՑՈՒՄԸ ԱՆԳՆԻ-ԱՅՈՒՄ *)

Ուսումնարանական խորհուրդների քաղաքականութիւնը զգալապէս տարբերուում է քաղաքային ինքնավարութեան քաղաքականութիւնից (պոլիտիկայից): Լիբերալիզմը և կոնսերվատիզմը նեղ իմաստով բոլորովին այն աստիճան չեն հանդէս գալիս ուսումնարանական խորհուրդ ընտրելիս, ինչպէս քաղաքային խորհրդի ընտրութիւնների ժամանակ: Թեկնածուներից ոմանց ընտրում են ի նկատի ունենալով նրանց բուռն համակրանքը դէպի ուսումնարանական օրէնքները և ձգտումը՝ տալ ուսումնարաններին ըստ կարելոյն աւելի ազատ և լայն բացատրութիւններ: Ոմանց ընտրում են ինչպէս «յետադէմներ» (րէակցիօներ), ի նկատի ունենալով դրանց հակումը՝ տալ որքան կարելի է օրէնքներին նեղ մեկնութիւն: Իսկ առաւելապէս թեկնածուները ընտրուում են իբրեւ այս կամ այն դաւանութեան ներկայացուցիչներ կամ ընդհակառակը—ընտրուում են որովհետեւ չեն պատկանում և ոչ մի կրօնական համայնքի: Այդպիսով

*) Տես «Մուրճ» № 9.